

**Broj: 01-05-97-OD/21**

**Sarajevo, 27.04.2021.godine**

Na osnovu člana 17. Zakona o osnivanju Instituta za medicinsko vještačenje zdravstvenog stanja (Službene novine Federacije BiH broj 70/07 i 28/14), člana 24. Pravila Instituta za medicinsko vještačenje zdravstvenog stanja (Službene novine Federacije BiH broj 38/08), i člana 70. Zakona o javnim nabavkama BiH (Službeni glasnik BiH broj 39/14), po Preporuci Komisije za javne nabavke od 26.04.2021.godine u postupku javne nabavke **Usluga: fizičko i tehničko obezbjeđenje (zaštita) osoba i imovine**, donosi se sljedeća:

**O D L U K A**  
**O IZBORU NAJPOVOLJNIJEG PONUĐAČA**

**I.**

U postupku javne nabavke Usluga: **fizičko i tehničko obezbjeđenje (zaštita) osoba i imovine**, evidencijski broj nabavke u Planu javnih nabavki za 2021. godinu - broj 29, u otvorenom postupku, broj obavijesti o nabavci na portalu javnih nabavki **865-1-2-43-3-5/21. od 04.03.2021. godine**, s procijenjenom vrijednosti od **87.000,00 KM (bez PDV-a)**, kriterij odabira – najniža cijena, prihvata se preporuka Komisije za javne nabavke, te se se odabire **ponuda grupe ponuđača: Agencija DELTA SECURITY d.o.o. Čitluk i Agencija SECURITAS d.o.o. Sarajevo sa liderom konzorcija Agencija DELTA SECURITY d.o.o. Čitluk za ponuđenu cijenu od 86.730,00 KM**

**II.**

Ponuđač iz točke I. ove Odluke jedini ispunjava formalno pravne uvjete i zahtjeve ugovornog tijela i kvalifikacijske uvjete definirane u tenderskoj dokumentaciji objavljenoj dana 04.03.2021.godine, te je jedini dostavio ponudu koja ispunjava sve kvalifikacijske uvjete i svu dokumentaciju traženu u tenderskoj dokumentaciji Ugovornog organa i uklapa se u procijenjenu vrijednost javne nabavke.

**III.**

Ova Odluka dostaviti će se svim ponuđačima koji su dostavili u postupku, te će se objaviti na internet stranici Instituta za medicinsko vještačenje zdravstvenog stanja ([www.imvzs.ba](http://www.imvzs.ba)), a u skladu sa odredbama člana 70. Zakona o javnim nabavkama BiH (Službeni glasnik BiH broj 39/14).

**IV.**

Izabrani ponuđač/grupa ponuđača dostavio je u ponudi dokaze iz člana 45. stav (2) tačke od a). do d). Zakona o javnim nabavkama BiH, te se isti ne moraju naknadno dostavljati.

## V.

Za provođenje ove Odluke zadužuju se komisija imenovana odlukom o pokretanju postupka i imenovanju komisije.

### OBRAZLOŽENJE

Na osnovu Plana javnih nabavki Instituta za medicinsko vještačenje zdravstvenog stanja za 2021. godinu kojeg je donio Upravni odbor Instituta, donesena je Odluka o pokretanju postupka javne nabavke usluga: fizičko i tehničko obezbjeđenje osoba i imovine, te je istom Odlukom imenovana Komisija za provođenje postupka.

Javna nabavka sukladno Planu javnih nabavki (evidencijski broj: 29. – glava II – dio usluge) provedena je u otvorenom postupku, sa procijenjenom vrijednosti nabavke od 87.000,00 KM, bez uračunatog PDV-a, s namjerom sklapanja okvirnog sporazuma sa jednim ponuđačem na 12 mjeseci i prema kriteriju najniže cijene, uz provođenje e-aukcije.

Obavijest o nabavi i tenderska dokumentacija objavljena je na Portalu javnih nabavki broj postupka: 865-1-2-7-3-2/20 od 04.03.2021. godine, s rokom dostave ponuda do 07.04.2021. godine u 14.00 sati i otvaranjem ponuda isti dan u 14.30 sati.

Komisija za javne nabavke provela je postupak prijema ponuda, te je utvrđeno da je ukupno 10 pravnih subjekata preuzelo TD sa portala JN, te su dostavljene dvije blagovremene ponude i nije bilo neblagovremenih ponuda, pa je dana 07.04.2021.godine u 14.30 sati provedeno javno otvaranje ponuda i zapisnik o otvaranju, sa zapisnikom o prijemu ponuda dostavljen je ponuđačima. Ponude su dostavili:

Redni br.	Ponuđač	Broj protokola	Datum i vrijeme prijema	Ponuđena cijena
1.	Agencija DELTA SECURITY d.o.o. kao nositelj konzorcija – grupe ponuđača – sa članom grupe Agencija Securitas d.o.o.	05-788/21	02.04.2021. u 09,30 sati	86.730,00 KM
2.	SWQRD SECURITY d.o.o. Sarajevo	05-807/21	07.04.2021. u 13,15 sati	86.944,00 KM

Komisija određena za prevođenje postupka izvršila je pregled i ocjenu ponuda i dostavila zapisnik o pregledu i ocjeni svih ponuda i preporukom za prihvatanje ponude. U istome je navedeno da su obje ponude blagovremene i da se ponuđene cijene uklapaju u procijenjenu vrijednost javne nabavke, te je izvršena provjera ispunjavanja uvjeta za kvalifikaciju i dostavljene dokumentacije. Prema navedenom zapisniku i navodima komisije ponuda ponuđača Sword security d.o.o. Sarajevo nije prihvatljiva odnosno navedeni ponuđač se isključuje iz postupka zbog neispunjavanja uvjeta za kvalifikaciju. Prema tenderskoj dokumentaciji broj 01-05-97-3/21 od 04.03.2021.godine (koja je objavljena istoga dana – broj obavještenja o nabavci 865-1-2-43-3-5/21 od 04.03.2021. u 14:59 sati) pod točkom 3.2.1. – Solventnost ponuđača navedeno da se traži uvjet i dokaz da u zadnjih 12 (dvanaest) mjeseci, računajući period do datuma objavljivanja Obavještenja o nabavci, transakcijski račun ili računi ponuđača nisu bili blokirani. Ponuđač Sword Security je dostavio potvrdu Raiffesen bank d.d.

Sarajevo broj SD 1703-3/2021 od 17.03.2021.godine i potvrdu iste banke broj 00885/21 od 17.03.2021.godine u kojem se navodi da računi navedenog ponuđača nisu bili blokirani u periodu od 16.03.2020. do 16.03.2021.godine.

Pored toga pod točkom 3.3.5 – Tehnička i profesionalna sposobnost tražena je dostava „ovjerene kopije prometnih dozvola za najmanje šest (6) interventnih vozila“. Ponuđač je uz ponudu dostavio ovjerene kopije za 6 vozila, od kojih je za 2 vozila registracija istekla - odnosno bila su registrirana do 24.01.2021.godine. Kako su kopije ovjerene dana 01.04.2021.godine (više od dva mjeseca nakon isteka registracije) ne može se smatrati da je ispoštovana ova točka u pogledu tehničke i profesionalne sposobnosti

Radi navedenog ne može se smatrati da je ponuda ponuđača prihvatljiva i da je dostavljena sva potrebna dokumentacija i dokazi kako je traženo objavljenom tenderskom dokumentacijom jer je pod točkom 3.2 TD jasno navedeno : „U skladu sa članom 47. Zakona, ponuda će biti odbačena ako ponuđač ne ispunji slijedeće minimalne uslove“ kao i „U slučaju da se u ponudi ne dostave dokazi iz ove tenderske dokumentacije ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.“

Iz naprijed navedenog razloga a sukladno odredbama člana 3. stav (3) Pravilnika o uslovima i načinu korištenja e-aukcije nije zakazana ili provedena E-aukcija.

Ponuda drugog ponuđača – grupe ponuđača Agencija Delta Security d.o.o. i Agencije Securitas d.o.o. odbrana je iz razloga što jer navedena grupa ponuđača preuzela TD sa portala JN, ponuda navedenog ponuđača primljena na vrijeme (blagovremena), da je ista otvorena na javnom otvaranju ponuda, da je grupa ponuđača u ponudi dostavila svu potrebnu i traženu dokumentaciju i da ponuđena usluga odgovora zahtjevima Ugovornog tijela u TD, kao i u pogledu ispunjavanja kvalifikacijskih uslova, te da grupa ponuđača ispunjava sve uvjete kako su određeni TD ali i odredbama Zakona o agencijama i unutrašnjim službama za zaštitu ljudi i imovine (SN FBiH 78/08 i 67/13). Komisija je dala preporuku za prihvata ove ponude prema ponuđenoj cijeni.

Radi navedenog, prihvaćena je preporuka komisije i donesena je Odluka kao u točki I. izreke s time da su uz ponudu grupe ponuđača dostavljeni dokazi iz člana 45. Zakona o JN te se isti ne moraju dostavljati naknadno kako je traženo točkom 3.1.1. TD.

Na osnovu svega navedenog odlučeno je kao u izreci ove Odluke.

#### **POUKA O PRAVNOM LIJEKU:**

Sukladno članu 99. i 101. Zakona o javnim nabavkama na ovu Odluku može se uložiti žalbu u roku od deset (10) dana od dana zaprimanja.

Žalba se podnosi Uredu za razmatranje žalbi BiH a putem Instituta za medicinsko vještačenje zdravstvenog stanja, pismenim putem i to preporučenom pošiljkom ili izravno, a u dovoljnom broju primjeraka.

#### *Dostaviti:*

- Agencija Delta Security d.o.o. Čitluk, GZ Tromeda II br. 3 Čitluk ;
- Sword Security d.o.o. Sarajevo, Alipašina 83 Sarajevo;
- za objavu na internet stranici;
- spis predmeta;



  
direktor, dr. Ludvig Letica